

Údarás Ceadúnúcháin um Báid Iascaireachta Mara

Tuarascáil Bhliantúil 2011



An tIonad Náisiúnta Bia Mara, Cloich na Coillte, Co. Chorcaí, Éire
Teileafón: +353 23 8859500 Facs: +353 23 8821786
Ríomhphost: fleetregister@agriculture.gov.ie www.agriculture.gov.ie



Tuarascáil chun an Aire Talmhaíochta, Bia agus Mara faoi chomhlíonadh fheidhmeanna an Údaráis Cheadúnúcháin um Báid Iascaireachta Mara sa bhliain 2011, de bhun Ailt 3(7) den Acht Iascaigh (Leasú) 2003.

Réamhrá

De bhun Ailt 3 den Acht Iascaigh (Leasú) 2003 (Uimh. 21 de 2003), aistríodh feidhmcheadúnaithe bád iascaireachta mara chun an Údaráis Cheadúnúcháin um Báid Iascaireachta Mara le h-éifeacht ón 1 Iúil 2003. Mar a leagtar síos san Acht sin, is é an t-Árd-Chláraitheoir um Báid Iascaireachta, nó, faoi mhaoirseacht an Árd-Chláraitheora, an Leas-Árd-Chláraitheoir um Báid Iascaireachta, an tÚdarás Cheadúnúcháin.

Cheapadh an t-Árd-Chláraitheoir agus an Leas-Árd-Chláraitheoir de bhun an Achta um Iascaireacht Mhara agus Dhlínse Mhuirí 2006 (Uimh. 8 de 2006). Is é an tUas. Paschal Hayes an t-Árd-Chláraitheoir agus is í Máirín Ní Dhuinn Uas. an Leas-Árd-Chláraitheoir. Is oifigigh de chuid na Roinne Talmhaíochta, Bia agus Mara an bheirt acu.

Alt 1 - Forbhreathnú ar an Reachtaíocht a bhaineann le Ceadúnú agus Clárú

1.1 Reachtaíocht Náisiúnta

Leagadh amach an reachtaíocht a rialaigh ceadúnú bád iascaireachta mara i 2011 in Alt 4 den Acht lascaigh (Leasú) 2003 (arna chur isteach ag Alt 97 den Acht um Iascaireacht Mhara agus Dhlínse Mhuirí 2006).

Leagadh amach an reachtaíocht a rialaigh clárú bád iascaireachta mara in Ailt 74 go dtí 80 agus Alt 100 den Acht um Iascaireacht Mhara agus Dhlínse Mhuirí 2006, agus sna Rialacháin faoi Loingeas Ceannaíochta (Clárú, Litreoireacht agus Uimhriú Bád Iascaigh) 2005 (I.R. Uimh. 261 de 2005).

Forálann Acht 2003 go mbeidh an tÚdarás Ceadúnúcháin neamhspleách i bhfeidhmiú a dhualgas faoir réir –

- (a) an dlí atá i bhfeidhm ag an am i leith ceadúnaithe bád iascaireachta mara, lena n-áirítear go h-áirithe aon oibleagáid dhlíthiúil a bheadh ar an Stát de bhun dlí institiúide ar bith de chuid na gComhphobal Eorpach nó comhaontaithe idirnáisiúnta eile atá ina cheangal ar an Stát, agus
- (b) treoracha beartais ar bith i leith ceadúnaithe bád iascaireachta mara a d'fhéadfadh an tAire a thabhairt ó am go chéile.

Forálann Acht 2003 gur féidir achomharc a dhéanamh in aghaidh cinntí de chuid an Údaráis Cheadúnúcháin faoi iarratais ar cheadúnais, nó faoi chúlghairm nó leasú ceadúnais, le hOifigeach Achomhairc, go ceann míosa ón uair a rinneadh an cinneadh, an chúlghairm nó an leasú. Is féidir le duine atá míshásta le cinneadh an Oifigigh Achomhairc iarratas a chur isteach chun na hÁrd-Chúirte ar Athbhreithniú Breithiúnach go ceann 3 mhí ó dháta an chinnidh.

Chuir na Rialacháin faoi Loingeas Ceannaíochta (Clárú, Litreoireacht agus Uimhriú Bád Iascaigh) 2005 (I.R. Uimh. 261 de 2005) an dlí i gcomhréir le riachtanais an Aontas Eorpaigh (AE) maidir le tomhas tonnáiste agus toisí bád iascaigh, agus leasaigh siad chun dáta na gnáthaimh a bhaineann le clárú bád iascaigh. Shonraigh na Rialacháin freisin nach foláir táscairí deighleoige amharcáil ar cheann árthaí a cláraíodh i ndeighleoga áirithe den loingeas (Fo-dheighleog na hIascaireachta Pota agus Deighleog an Dobharshaothraithe) mar aon le Cód an Chalafoirt agus an Uimhir Chláraithe.

1.2 Reachtaíocht ón Aontas Eorpaigh (AE)

I dteannta leis an dlí náisiúnta agus threoracha beartais an Aire, tá ról nach beag ag dlí an AE i mbainistíocht loingeas iascaireachta mara na hÉireann, mar is léir ar fhorálacha Acht 2003 dá bhfuil tagairt thuas. Éilíonn Rialachán 2371/2002 ón gComhairle *faoi chaomhnú agus shaothrú na n-acmhainní iascaigh de réir an Comhbheartais Iascaireachta*, go gcuirfidh na Ballstáit bearta i gcrích le cumas iascaigh a gcuid loingeas a chur in oiriúint ar chaoi gur féidir cothromaíocht sheasmhach mharthanach a bhaint amach idir an cumas sin agus na deiseanna iascaigh. Cuireann sé ar chumas an Choimisiúin Eorpaigh Leibhéal Tagartha (go praiticiúil, teorainneacha cumais loingis) a leagan síos do gach Ballstát, arna sonrú de réir olltonnáiste (OT) agus cumhacht an innill (cileavatanna– kW), do chumas iomlán iascaigh na n-árthaí iascaireachta atá cláraithe sa Bhallstát sin. Éilíonn sé go gcinnteoidh na Ballstáit nach sáraítear na Leibhéal Tagartha seo agus go ndéanfar bainistíocht ar na hárthaí a thagann isteach sa loingeas agus orthu siúd a imíonn amach as, sa chaoi, ó 1 Eanáir 2003 amach, go gcúiteoidh an cumas a chaillfidh an loingeas, gan chúnamh ón Stát, ar a laghad an cumas breise a thioctaidh isteach ann ina dhiaidh sin, gan chúnamh ón Stát.

Leagann an Rialachán forálacha amach freisin a shonraíonn go gcoinneoidh na Ballstáit cláir loingis iascaireachta, mar aon le clár loingis an Chomhphobail, ina mbeidh an fhaisnéis a sholáthróidh na Ballstáit faoi shaintréithe agus ghníomhaíocht na n-árthaí.

Maidir le Rialachán 1438/2003 dar dáta 12 Lúnasa 2003 de chuid an Choimisiúin, a leagann síos na rialacha forfheidhmiúcháin faoin gComhbheartas Loingis mar a shainítear sa Rialachán ón gComhairle, sonraíonn sé seo na Leibhéal Tagartha do loingis iascaireachta na mBallstát.

Léirítear staid loingeas na hÉireann i 2011 sa tuarascáil seo.

1.3 Treoracha Beartais chun an Údarás Ceadúnúcháin

Leag Treoir Beartais 2/2003, a d'eisigh an tAire ar 17 Samhain 2003 chun an Údarás Cheadúnúcháin de réir Ailt 3(2)(b) d'Acht 2003, beartas foriomlán ceadúnaithe bád iascaireachta mara amach. Leagadh an beartas seo síos i bhfianaise rialacha nua bainistíochta loingeas an AE, agus tar éis athbhreithniú a bheith déanta ar staid loingeas iascaireachta na hÉireann agus ar a chumas.

Fuair an tÚdarás Ceadúnaithe deich dTreoir eile ón Aire maidir le Beartas sa tréimhse 2004 go 2011, lena n-áirítear dhá Threoir nua maidir le beartas a fuarthas i 2011.

Is féidir téacsanna na dTreoireacha Beartais uile a eisíodh chun an Údarás Cheadúnúcháin a léamh ar shuíomh gréasáin na Roinne.

Alt 2 - Cúntas ar Loingeas Iascaireachta na hÉireann sa bhliain 2011

2.1 Deighleoga an loingis

Fo-rangaíodh Loingeas Iascaireachta na hÉireann ina chúig dheighleog, de bhun Threoir Beartais 2/2003, arna leasú le Treoir Beartais 1/2006. Go bunúsach ghlac an fhoroinnt seo ar an loingeas leis na deighleoga a leagadh síos i gClár Treorach Ilbhliantúil an Aontas Eorpaigh, ar tháinig Rialachán 2371/2002 ón gComhairle ina áit, ach deighleog nua “Dobharshaothrú” a chur leo.

Seachas i dtosca áirithe a leagtar amach sa Treoir Beartais, ní cheadaítear aistriú cumais idir na deighleoga (ná idir na fo-dheighleoga) agus ní mór cumas a bhaint, mar chúiteamh, den deighleog (nó den fo-dheighleog) ina bhfuil ártach á thabhairt isteach. Cuirtear an téarma córas isteach/amach ar.

Tá cúntas ginearálta ar dheighleoga an loingis agus ar a gcomhdhéanamh ag deireadh 2011, anseo thíos:

- *Deighleog Mórmhara Sáile Cuisniúcháin (SC)*: Bhí 23 ártach sa deighleog seo a bhí ag plé go mór mór le speicis mhórmhara (scadáin, ronnaigh, bolmáin agus faoitíní gorma go príomha).
- *Deighleog Trálaer Bíoma*: Bhí 9 ártach sa deighleog seo, agus bíonn siad i mbun trálaeireachta bíoma.
- *Deighleog Ilchineálach*: Bhí 1,895 ártach, bunáite mhór an loingis, sa deighleog seo. Tá na h-árthaí seo ilchuspóireach agus áiríonn siad árthaí beaga (eangaí agus potaí) cladaigh, agus árthaí móra nó meánmhéide a bhíonn ag díriú ar iasc geal, iasc mórmhara agus mhoilisc dhébhlaoscacha.
- *Saindeighleog*: Bhí 144 ártach sa deighleog seo, a gceadaítear dóibh moilisc dhébhlaoscacha agus speicis dogharshaothraithe a sheilg.
- *Deighleog an Dobharshaothraithe*: Níl an deighleog seo, ina raibh 96 ártach arbh ionann a gcumas iomlán 4,688 OT agus 12,673 kW ag deireadh na bliain, faoi réir an chórais isteach/amach. Níl sé ceadaithe na h-árthaí seo a úsáid ach amháin d'fhonn ceantair dhobharshaothraithe a bhainistiú, a fhorbairt agus a chothabháil agus féadfaidh siad sceathrach a bhailiú ó phóir diúilicíní fiáine mar chuid de sheirbhís d'fhearais dogharshaothraithe, faoi réir srianta áirithe, mar a leagadh síos i gcomhthéacs Ailt 1 de Rialachán 1438/2003 de chuid an Choimisiúin Eorpaigh.

2.2 Leibhéil Tagartha agus Uasteorainn Loingis

B'iad na Leibhéil Tagartha do loingias iascaireachta na hÉireann ar 1 Eanáir 2003, mar a leagtar amach i Rialacháin an Choimisiúin 1438/2003, ná 88,700 OT agus 244,834 kW. Is í uasteorainn an loingis staid chumais an loingis ar 1 Eanáir 2003, faoi réir coigeartuithe is féidir a cheadú ach nach sáróidh na Leibhéil Tagartha.

Ríomhtar usateorann loingias ar bhonn aon ardú tonnáiste fé bhun na bhforálacha “tonnáiste sábháilteachta” a chur isteach, agus asbhaintí tonnáiste arna mhaoiniú le h-airgead poiblí, mar shampla faoi Scéimeanna Díchoimisiúnaithe, a thógaint amach as na Leibhéil Tagartha. De réir rialacháin an Choimisiúin Eorpaigh, ceadaítear ardú tonnáiste nuair a thárlaíonn an t-ardú sin as feabhsaithe sábháilteachta amháin, nach méadaíonn cumas iascaireachta an báid iascaigh.

Is í uasteorainn an loingis an bhunlíne ar a noibrítear an córas isteach-amach. Ba í uasteorainn loingias na hÉireann ar 31 Nollaig 2011 ná 77,334 OT agus 210,083 kW. Bhí ardú 80 OT de réir “tonnáiste sábháilteachta” sa bhliain 2011.


Mar a leanas a bhí staid chumais loingias na hÉireann ar 1 Eanáir 2011 agus 31 Nollaig 2011:

Deighleog	Líon na n-Árthaí		OT		kWs	
	Ean.-11	Noll.-11	Ean.-11	Noll.-11	Ean.-11	Noll.-11
Ilchineálach	1,862	1,895	32,510	33,121	120,937	121,619
Mórmhara	23	23	27,912	22,603	46,801	43,891
Trál Bíoma	11	9	867	879	2,356	2,445
Saindeighleog	150	144	3,044	2,681	14,139	13,001
Iomlán	2,046	2,071	64,333	59,284	184,233	180,956
Dobharshaothrú	86	96	4,654	4,688	12,256	12,673

Alt 3 - Gníomhaíochtaí an Údaráis Cheadúnúcháin sa bhliain 2011

3.1 Iarratais ar Cheadúnais

Fuarthas 226 n-iarratas san iomlán ar cheadúnais do bháid iascaireachta mara i rith na bliana. Tarraingíodh siar 11 díobh seo ina dhiaidh sin. Tá anailís do na h-iarratais thíos:



Breithníodh iad uile sa tréimhse 3 sheachtain a leagtar síos i bplean gníomhaíochta um sheirbhís chustaiméirí na Roinne.

Ceadúnaíodh agus cláraíodh 187 ártach le linn 2011, tar éis do na h-iarratasóirí na riachtanais a bhaineann le ceadúnú agus clárú a chomhlíonadh.

3.2 Athnuachan Ceadúnas

Athnuadh Ceadúnais na mBád Iascaireachta Mara do 1,214 árthaí iascaigh fé bhun 15 mhéadar ar fad san iomlán i mí an Mheithimh 2011.

Athnuadh ceadúnais do 33 árthaí iascaigh thar 24 mhéadar san iomlán mar fhad cláraithe i mí an Mheithimh freisin.

Athnuadh ceadúnais do 143 árthaí iascaigh idir 15 mhéadar ar fad san iomlán cláraithe agus 24 mhéadar mar fhad cláraithe i rith na bliana. Ionas nach bhfuair cuid do na h-árthaí sin ach ceartúcháin shabháilteacht eatramhacha, bhí ar an t-Udarás a gcuid ceadúnais a athnuadh níos mó ná uair amháin sa bhliain.

Athnuadh ceadúnais do 371 árthaí iascaigh faoin Scéim um Cheadúnú Bád Iascaireacht Pota I Loingeas Cladaigh na hÉireann i mí Aibreán 2011.

Athnuadh ceadúnais i gcás 23 loingis mhórmharai i mí na Nollaig 2011.

Eisítear na ceadúnais de réir riachtanais na Rialachán um Shabháilteacht Mhuirí. Ní athnuafar ceadúnas ach amháin go bhfuil deimhniú sábháilteachta cuí i bhfeidhm ag am athnuachana. [Tá deimhniúcháin sabháilteachta faoi bainistíocht Oifig na Suirbhéireachta Muirí]. Eisíonn agus tÚdaras Ceadúnúcháin litir mheabhrúcháin do gach úinéir d'ártha iascaigh arna bhfuil a chuid deimniú sabháilteachta as feidhm nó ar tí dhul as feidhm, roimh an dáta athnuachana, chun go bhfuil dóchain am acu chun deimhniú nua a fháil roimh ré.

3.3 Clár Loingis

Tháinig córas tuairiscithe nua an AE ar chlár loingis i bhfeidhm ar 1 Meán Fómhair 2004. Cuireann sé seo de cheangal ar gach Ballstát “pictiúr” a chur go leictreonach chuig an gCoimisiún Eorpach, uair in aghaidh na ráithe, dá loingeas iascaireachta a thabharfaidh na sonraí a leagtar síos i Rialachán 26/2004 de chuid an Choimisiúin do gach ártach ina bhunachar sonraí. Chuir an tÚdarás Ceadúnúcháin na pictiúir seo ar aghaidh i mí an Mhárta, mí an Mheithimh, mí Mheán Fómhair agus mí na Nollag mar a theastaigh. Ceartaíodh aon earráid a sainithníodh de réir Rialacha Gnó an Choimisiúin Eorpaigh faoi tharchur na bpictiúr roimh an sprioc-am a leagadh síos sa rialachán faoi thuairisciú ar an loingeas.

3.4 Suíomh Gréasáin

De réir Ailt 3(8) den Acht Iascaigh (Leasú) 2003, chuir an tÚdarás faisnéis, a nuashonraítear go rialta, faoi iarratais agus chinntí ar cheadúnais, á foilsiú ar shuíomh gréasáin na Roinne i rith na bliana freisin.

3.5 Achomhairc

Faoin Acht Iascaigh (Leasú) 2003, tá iarratasóirí ar cheadúnas bháid iascaireachta mara i dteideal achomharc a dhéanamh in aghaidh chinneadh an Údaráis Cheadúnaithe i ndáil lena n-iarratas. D'fhóin Emile Daly Uasal, BL, ina hOifigeach Achomharc Neamhspleách le linn 2011 [an tAire Talmhaíochta, Bia agus Mara a cheap í faoi Alt 6 den Acht Iascaigh (Leasú) 2003 (No. 21)]

Bhí 5 achomharc ar feitheamh ag deireadh 2011. Rinneadh cinntí ar 3 achomharc le linn na bliana agus tarraingíodh siar 1 achomharc. Foilsíodh ainmneacha na n-achomharcóirí agus cinntí an Oifigigh Achomharc ar láithreán gréasáin na Roinne Talmhaíochta, Bia agus Mara.

Alt 4 - Socruithe Eagraíochtúla agus Soláthair Foirne

Is é an Roinn Talmhaíochta, Bia agus Mara a cuireann tacaíochtaí riaracháin agus foirne ar fáil don Údarás Ceadúnúcháin.

Mar a leanas na h-acmhainní foirne a cuireadh ar fáil i 2011, seachas an tArd-Chláraitheoir agus an Leas-Ard-Chláraitheoir:

2 Ardoifigeach Feidhmiúcháin

3 Oifigeach Feidhmiúcháin (ceann amháin acu ina fholúntas ó Mí Márta 2009)

1 Oifigeach Foirne

2 Oifigeach Cléireachais.

Ba chúnamh freisin don t-Údarás Ceadúnúcháin agus é ag comhlíonadh a dhualgas an t-idirchaidreamh leanúnach leis an Rannán Beartais agus Forbartha Bia Mara don Roinn Talmhaíochta, Bia agus Mara, leis an Údarás um Chosaint Iascaigh Mhara, le Oifig na Suirbhéireachta Muirí (MSO) don Roinn Iompair, Tuasóireachta agus Spóirt agus le Cláraitheoiri Loingis Áitiúla na gCoimisinéirí Ioncaim.

Táim an-bhuíoch don Leas-Árd-Chláraitheoir nua, Máirín Ní Dhuinn, Uas., agus d'fhoireann na hÚdaráis Ceadúnúcháin, maraon leis na comhlachtaí thuasluaite, as ucht an gcúnamh a thug said dhom dhúlgaí na hÚdaráis a chomhlíonadh i rith an bhliain.

Paschal Hayes

Árd-Chláraitheoir Bád Iascaireachta

Meitheamh 2012